

Transkription von Urkunde SAW 1494c

Ort, Datierung: Salzwedel, 1494-10-13

Signatur: Stadtarchiv Salzwedel, 266/60a

Inhalt: Rat der Stadt Salzwedel: Rentenbeleg

Wÿ Otto vintzelberg Diderick almgstede Hans besendal Herme lijsten / Role gladegow Hans
werkmester(e) Clawes moller Clawes brewitz Jurgen schulte / wilhelm wolter Jacob alem Hans
mu(n)ter Diderick mechow Herman chuden Hans / groteian werner(e) schermer(e) Córd woleman
vnd(e) Diderick chuden Radma(n)ne to Soltwedel / Beke(n)ne(n) ope(n)bar(e) mit disem brefe
tugende vor alszwem(e) dat In vnser Jege(n)wordicheit Hans / hermens vnse medeborger(e) hefft
vorkofft recht vnd(e) redeliken to eyne(m) rechten erffkope / vorkofft ok In crafft dise(s) brefes vp
vnd(e) an sÿner boden In dem(e) bockhorni(n)ge¹ by Der / kersten losekrötsch(e)n beleg(e)n
Werner(e) schermer(e) vnd(e) Diderick schult(e)n vorstender(e)n der / kerken vnser leuen frouwen in
vnser olde(n)stad vnd(e) or(e)n nakomeling(e)n to der kerkenn / behüff Eÿne mark pen(ninge) Jarliker
rent(e)n vnser Stad weringe vor twintig mark pen(ninge) / der sulue(n) weringe de om(e) de
genom(e)d(e)n vorstender(en) wol todancke vornüget vnd(e) beta=/llet hebben Disse Eÿne mark
pen(ninge) Jarliker rent(e)n willen vnd(e) schollen Hans hermens / vpgenant vnde sÿner
vorscreu(en)en boden besitter(e) Den erbenom(e)den vorstender(e)n vnde / or(e)n nakomeling(e)n alle
Jarlikes to vir tijden Jares alse to su(n)te Joha(n)nis daghe to / su(n)te Michaelis Daghe to wÿnacht(e)n
vnd(e) to Paschen to ichliker tijd vir schillingk / pen(ninge) der erscreu(en)en weringe sunder vartoch
vnd(e) weddersprake entricht(e)n vnd(e) betalen / Doch dem(e) suluen Hans hermens vnd(e) sÿner
vorscreu(en)en boden besitter(en) den wedderkôp / hir ann(e) tobeholden(en) Alse wa(n)ner(e) on dat
wol bequem(e) sÿ de(n)ne moghen vnd(e) schollen / sie den vpgenom(e)den vorstender(e)n offte or(e)n
nakomelingen sodan(e) twintig mark / pen(ninge) houetsu(m)men mit allen bedageden nastelligen
rent(e)n vul vnd(e) all entrichten / vnd(e)betalen vnd(e) alse de(n)ne schal om(e) vnd(e) syner boden
besitter(en) sodan(e) Eÿne mark / pen(ninge) Jarliker rent(e)n wedder lósz qwijd vnd(e) frÿg vnd(e)
disse breeff machteloos sÿn / To orkunde hebben wÿ vnser oldenstad Ing(esegel) witliken hang(e)n
het(e)n an dissen breeff / Na cristi vnser her(e)n gebord virteÿnhundert Jar(e) dar na Im(e) vir vnd(e)
Negentigestem(e) / Jare Am(e) Mandage na Dionisij /

¹ vgl. SAW 1495c